

Производственной походын ужаса октябрь праздникез виль вормон'есын пумиталом

Быдэс дуннеысь пролетар'ес, огазеаське!

УДАРНИК

2 Ноябрь
1934 арын
№ 57 (144)

П.-Пурга КП(б) райомлэн, райисполкомлэн но райпрофсоветлэн
М-Пурга —) ОРГАНЗЫ (— Удмурт Области

Совет'ёсы быр'ён кампаниын классовой саклыкез эшшо но вылэ!

Отчетной кампаниысь тырмытэ интыосыз лыдэ басы-
тыса ужалом

Районамы совет'ёслэн отчет сётон кампанизы ортчыз.

Та ужлэн ортчез уно тырмытэ уж'ёсыз возматэ. Быдэсак районн избирательёс отчетной собраниосы 75 процентэз гына люкаськылды. Совет'ёслэн отчетной собраниосазы вылькышнос ожыт кыскемын вал — 68 процентэз гына собраниосы ветлызы.

Отчетной кампаниез Ш-постол, Гожня, Пытцам, Юськи но Пурга сельсовет'ес туж лаб ортчтывы. Та сельсовет'есын избирательёс собраниосы районн шоролыко ветлэмлэсь ули возматэ — 75 процентлэсь ожыт. Куд-куд избирательной участок'есын (Ш-постол, А-игра) сельсовет'етлэн отчетной докладчык оз вераськылэ. Сельизбирком'ес та ужпумез заседаниосазы эскерылны но оз „ваньме“.

Избирательёслэсь отчетной собраниосы ожыт ветлэм — сельизбирком'ёслэсь отчетной кампанилы дасяскымтэзэс возматэ. Одыг сельсовет но отчетной кампанилы детлощадкаосыз но яслиосыз оз дася. Одыг сельизбирком но сельсоветлэсь отчетсэ нюласкын ужасьёс азын оз пункт.

Отчетной кампаниез лаб ортчтон — отчетной кампанилы политической данлык сётымтэзэс возматэ. Та ужез орчтоннын власовой саклык лаб луэмез уно сельсовет'ес возматизы. Гожня, Пурга но Кечур сельсовет'ес перевыборной кампаниез куапкатон улсын кулак'еслэсь уж нуэмзэс уг шодыло.

Соин ик Кечур но Гожня сельизбирком'ес сельсоветысьтызы лишенец'есыз оз шедьтэ. Пурга сельсовет нош азывч бигер попез лишенец'еслэн списоксы гожтыны вунэтэм!

Сельизбирком'ес но сельсовет'ес асыалэсь верам'есэс ужен оз юнмэтэ.

Район Совет'ёслэн с'езданызы нимам производственной походын вырись ик пырыськыса басытэм обявительствоссэ оз быдэсты. Ю нянь басытон уж 67 процентлы гына быдэстамып, нош мукет район'ес та ужпумез кемалэсь орчтытызы ни. Районны озы ик лымы улэ гыронэн но чидатэм бере кыле. Коньдон огазеан план 1 ноябрь азелы 25 процент гына быдэстамып.

Хозяйственно-политической мероприятиясыз быдэс'ямтэмы — ужез отчетной кампаниен герзаса нуныны быгатытэмес возматэ.

Совет'ёслэн составызы оскымон кадр быр'ён уж шоры но куд-ог сельизбирком'ес чины пыртзы учко. Черашур гуртын (Гожня сельсовет) „актив“ азывч А. Котова кулакэз сельсовет членэ дэмланы кутскем.

Районамы куд-куд сельсовет'ес отчетной кампанизэс умойгес организовать карны быгатызы. Аксакшур, Ш-кечол, С-никольск, Б-уча сельсовет'есын избиратель'ес 85 процентэз отчетной собраниосы люкаськылды. Та сельсовет'ес ик производственной походын но умой ужало.

Районамы 1 ноябрьсен перевыборной кампани кутскиз.

Сельизбирком'еслы та уж борды большевико кужымен кутсконо. Отчетной кампаниысь лаб интыосыз лыдэ басытыса перевыборной кампаниын янгыш'ес лэстыно овёл. Производственной походысь быдэстымтэ уж'ёсыз массаосыз огазеаса лэстыно.

Совет'ёсы быр'ён кампаниез избиратель'есыз 100 процентсэ ик кыскыса орчтыно.

Азы мынйсь ударник'есыз, ударницаосыз, удмурт'есыз но вылькышноосыз совет'ёслэн органазы кысконо! Тини та сельизбирком'еслэн боевой ужзы!

Озысь со отчет лэстытэ

Арлан гуртысь сельсоветлэн членэз Илья Бикмаев избиратель'ес азын кык-куинь кылыш инэ отчет лэстытэ. Бикмаев коньдон огазеан бордын уг ужа. Көнэ люкано Бикмаев уг под. 30 хозяйство единоличник'ес вань. Колхозэ кысконо выльсь нокыче уг уг нуиськы. Көнэ центнер кооперацилы ю нянь вузаны ни единоличник'ес? Бикмаев уг под. Вузамын 6,5 центнер. Колхоз 200 центнер. Колхозын нош 40 хозяйство инэ. Лымы улэ гырон — 30 хозяйстволы 10 га. гыремын. Сюрес лэстытон но нюлэс дасян борды кутскылэмын овёл.

Тини сельсоветлэн членэз Бикмаев избиратель'ес азын кызыч отчет лэстытэ.

С. К.

Октябрьлы салам

„Новый путь“ колхоз (С-Никольск сельсовет) октябрь праздниклы 4 кварталлы нюлэс дасян тупатэм планзэ 108 процентлы быдэстытэ. Кооперацилы 70 тонна ю нянь вузамы. Колхозлэн председателес — МАКАРОВ С.

ВКП(б) райкомлы, райисполкомлы но лес-промхозлы

Тылэд большевико кивалтэмдыя, совет'ёслэсь отчетной кампанизэс но октябрь праздникез дан'яса колхоз „Виль кар“ 4 кварталлы нюлэс дасяны шупатэм планзэ 30 октяб্রে 100,3 процентлы быдэстытэ.

Планлэсь мултэс 5 ноябрось ужаськом.

Нюлэс дасянысь колхозлэн бригадирез — САВЕЛЬЕВ

Райисполкомлэн отчетэз виль производственной тулкым жутыз

Б-уча сельсоветын райисполкомлэн отчетэз колхозник'ёслэсь активноссысэс жутыз. „Удмурт бубби“ колхозысь колхозник'ес райисполкомлэсь отчетсэ кылдыса огазеам фондсы эшшо 150 центнер кооперацилы вузаны. Азы мынйсь колхозник'есын ю нянь басытон удысын ужаны бригада кылдытэмын. Бригада 30 центнер ю нянь басытэ ни.

А. Кузьмин колхозэ пыремезлэсь азывч всяк батракын улэз. Асылы нянь весь басытыса сииз. Али аслэстызы центнер ю няньзэ вузаны. 62 аресо ударник аслэстызы няньзэ 1 центнер вузаны. Родионов Евграф 66

аресо аслэстызы ужам трудоденысьтызы центнер няньзэ вузаны.

Б-учалэсь единоличник'ес полын массовой уж орчтытамен одыг нунадскын 700 пуд кидыс кыстытамын. Кык сюрес манетлэсь уво коньдон огазеамыны.

Мултэс но нянез „заготзернолэн“ складаз нуллызы.

Б-уча сельсоветысь колхозник'ес но единоличник'ес производственной походын пырыськыса ужало. Перевыборной кампаниын виль вормон'ес басытон понна нюр'ясько.

Хлыбов.

Соос пырысьсэ совет'ёсы быр'ёзы

Районамы туэ арын пырысьсэ совет'ёслэн орган'есазы сюрслэсь ятыр пинал избирательёс, социализмо хозяйство лэстынонысь ударник'ес быр'ёзы.

Совето власьлэн, Ленин партилэн кивалтэмез'я, социализмо хозяйство лэстынонын дурем бад'ым кужымез луо соос.

„Красная звезда“ колхозысь егит избирательёс (Ильинский сельсовет) С. Афанасьев, С. И. Ильин но С. Шишелкина ударник'ес одыг прогуд, бере кылэн уг лэстыло. Ужаны нормазэс всяк мултэсэн быдэс'яло. Колхоз производственной ваньмызызы пример луо.

Совет'ёслэн органазы ми пырысьсэ быр'иськомы. Соин ик совет'ёслэн отчетно-перевыборной кампанизы мплемлы данлыко уж — озы шуо егит избирательёс.

Районамы тае егит избирательёс ожыт овёл. Ваньмыз соос совет

ёсы быр'ёнэз большевико уж'ёсын пумятало.

„Ударник“ газетлэн орчтытэм-совещанияз „Муш“ колхозысь Осокин, „Труд“ колхозысь Бушков егит избирательёсын валче быдэя тонна кооперацилы нянь вузаны обязательство басытэмын. Соин лыдзон коркаосы патефон басытыны кыл сётэмын.

Единоличник'ес, егит избирательёс совет'ёсы быр'ёнэз колхоз'ёсы пыронэн пумитало. Совещаниянын егит избиратель Н. Петухов, В. Канустинонысь колхозэ пырыны кыл поттытэ. Сьобраз Крючковез отыз. Крючков колхозэ пырко шуса Хлебниковез отыз. Хлебников озы ик колхозэ пырыз. Та совещаниянын ик Ш-кечолысь единоличник Черыгов колхозэ пыро шуыз.

Быр'иськон кампаниын егит избирательёсыз, мыло-кыдо ударник'есыз, перевыборной собраниосы 100 процентсэ ик кыскыса совет'ёслэн органазы ужаны кысконо.

Ю-нянь басытонлэсь палэнын

Буран сельпонын ужасьёс ю-нянь басытон удысын уг ужало. Счетовод Ведерников „отчет лэстыно“ шуэ. Жытсэ юса улэ. Заготовитель Бехтерев А. контораысь потатэк улэ. Сельполэн председателес Байкалов аппаратсэ ю нянь басытон уже мобилизовать уг кар. 19 октяб্রে жыт лапкаын „кивалт'исьёс“ юса улэмын. Соин ик сельпо ю-нянь басытон планзэ быдэстыны малпатэк улэ.

Поро но Т.

Дышетсконысь ударник'ес

Сундуково школа дышетсконын зечлык понна нюр'ясько. Кылем арын дышетскон уж лаб пунктэмын вал. 3 тй классысь Вл. Бегитов, 1 классысь А. Пивоваров, 4тй классысь И. Микешкин дышетсконын азы мынйсь ударник'ес луо. Соослы октябрь празднике преми сётэмын луоз. Отметказы одыг предмет'я но „огшорылэсь“ улты овёл.

Школамын кружок'ес ужало.

Кузнецов Ссзонов.

Пудоосыз гуртын возыны дасясыкымтэ понна райзо нырись ик ответственность нуэ

Пудо гуртын возыны дасяскон быдэстымтэ

Пудоосыз гуртын возыны дасясконлы дыр уно ортчиз ни. Озы ке но та уж умой орчтымтэ. Уноэз та ужен уг кивалто. Самотек бадзым инты бастэ.

„Виль кужым“ колхозын 96 хозяйство лыд'яське. 3 скал огаземаин. Соос но вуж коргидын гинэ сыло. Ферма кылдытон уж борды кутскемын өвёл. Вал гид гинэ лэстыны кутскемын.

„Виль кар“ колхозын июнь толдэе 50 валлы гид лэстыны кутскизы. Али но лэстыса быдэстымтэ — липымтэ. Вуж коргидын 28 пинал вал'ёс сыло. 8-ээ мимала, 20-ээ туал чуниос. 12 кунян огаземаин, колхозник'ёсын договор гожтэмын (колхозын 75 хозяйство). Силосан план 100 процентлы быдэстэмын. Азвыл но татын тулыс вал'ёслы сион өз окмылы. Сельсовет та ужез уг эскерилы. Вал гидын чылкыт өвёл.

„Виль сарег“ 50 йыр куняны гид лэстэ. Татын уж умой тупатэмын. Колхозник'ёсын 25 йыр куняны договор гожтэмын ни. Пудо сион

дасян ласянь „Виль сарег“ колхозлы азыланьэ но план'я ужано сион выльыс вуытозь мед окмоз.

Юски сельсоветысь „Майский труд“ но „2 я пятилетка“ колхоз'ёс скал гид кемалась лэстыны выро ни. „Майский труд“ та нунал'ёсы лэстыса быдэстэ, нош „2-я пятилетка“ али гинэ лэстыны кутскиз. Та колхоз ик (председателез П. Кунгуров) одиг тонна но турын оз силоса. Мукет'ёсыз но силосан планзэс өз быдэстэ. „Виль улон“ колхозын вал гидзы чылкыт, нош пудо судон ласянь осконлыксы ляб. „Красная горка“ колхозын 6 скал огаземаин лыд'яське. Соослы вуж коргид'ёсыз тупато. Колхозник'ёс асыэ пудозылы ваньмыз тырмыт сион өз дасялэ.

„Мошкино“ колхозын вал гид кыктагй арзэ лэсты ни. Сыче жоглык'ёсын ужаса колхоз пудо вордоннын нокыче азинскон'ёс өз басты на. Сельсовет (Шивинск) колхозлы кыдэкин өвёл, нош умойгэм уж'ёсыз уг адзы.

Пудо сионзэ сисыто

„Быстрово“ колхозын Шадринлэн бригадэз ог 30 воз сёзы куро сисытэ, ог 3 воз шеп. Пудозэс сисы мем куроэн сюдо. Кык сёзы кабанзэс пудо сиса быдтэ ни. Шадрин кулак пи луэ — айыз раскулачить каремын вал.

Тяф.

Вал'ёсыз юнме ворттылтэ

Н - Подшивалово колхозысь председателлэн „усто“ ужаменыз 60 вал нуналлумбыт зор улын сыллыз. 40 километр солэн валатэк ужаменыз ветлыз. 60 вал'ёслы эшшо 50 километр ветлоно на. С.

Кабан'ёс липымтэ

У-юри сельсоветысь „1й май“ колхоз сёзы кабан'ёсыз 20 октябрь лыпытэк возив. Озы луса зор кабан йыр кошкиз. Колхозник'ёслэн верамзыя со сёзы кидыслы уз яра ни. Со сяна пудо но весь сиса улэ.

Райволы но следственной орган'ёлы та ужез али ик эскероно. С.

Парти дисциплинаэз тйасылы-парти раддын инты өвёл

Районамы парти чистка кык толдэз азвыл ортчиз ни. Парти чистка организацилэсь боепособностьэ йылтэ. Озы ке но чисткалэсь, куд-ог коммунист'ёс данлыкэ өз валалэ.

Князев (Банк) чистка орчтылэсь комиссилэсь вывод'ёсыз полыз өз пон. Соны чистка орчтылэсь комиссилэн вывод'ёсыз кулэтэм. Парти ас член'ёсыз пуналмысь конкретной ужын ужамзыя эскере. Таче ужпумез со өз вала. Со членысь кандидата поттэмын вал.

Ю нянь бастон ужез организо-

вать карон коммунист'ёслэсь ответственностьэс жутыны куре вал. Ю нянь бастоннын партилэсь сэтэм ужзэ Князев өз быдэсты.

Князевлы Пурга сельсоветын уж сётэмын вал. Гурт'ёсын ужан интыэ Князев юса улын кутскиз. Озы луса селькоп ю нянь бастоннын планзэ куашкагыз.

ВКП(б) райкомлэн бюрозз Князевез парти радзы поттэ. ВКП(б) райкомлэн решениез мукетызлы, парти дисциплинаэз тйасёслы тодэ ваён луыны кулэ.

Совето союзын

Саратовской край ю нянь тыронзэ быдэстэ

Москва 30 (роста) Саратовский край государстволы одно ю тьсы тырон планзэ 28 октябрез быдэстэ. Бере кылем колхоз'ёс но единоличник'ёс ю няньзэс тыро на.

Кулак'ёс шараасько

В-монья сельсоветын отчетной собраниос кутскем бере уно кулак'ёс шарааськизы. „Быстрово“ колхозын гинэ ог 30 мурт. „Горд пельга“ колхозын 3 мурт, „Красный отябрь“ колхозын 5 мурт. Ваньмыз соос Свердловской обласысь лыктэмын. Кулак'ёслы та возматэм колхоз'ёс няньзэс жалыгэк сето. „Милям ю нянез кооперацилы вузаса сютэм уло“ шуса колхозник'ёс полын верасько.

Тйни кытын кулак саботаж кылдытэмын. Сельсовет та ужпумез „адзытэк“ улэм.

Сенников.

Яган леспромхозлэн 55 номеро приказэз

Партилен 17ти с'ездэзлэн, 19 ноября 1933 арын совнаркомлэн решениосыз вылэ пыкисымыса, колхоз'ёсын договор гожтыса, социализмо чопатсконзэ но ударничествозэс уже пычэтса ужам понна, 4ти кварталлы нюлэс дасяны тупатэм планзэ быдэстысьёслы преми сётисько:

1 „Виль кар“ — 100 процентлы- Нуналлы быдэ 5, 5,5 кубометр быдэс'яз. Бригадирез Савельев. Умой ужам понназ бригадалы 300 манет преми сётисько.

2 „Виль сарег“ бригадирез Зайцев. Планзэ 101 процентлы быдэстэ. Бригада нормазэ 5 но 6,5 кубометр быдэс'я. 250 манет преми сётисько.

3 „Совет“ планзэ 105 процентлы быдэстэ. Бригадирез Созонов. Нормазэ 6 кубометр быдэс'я. Бригадалы 200 манет преми сётисько.

4 „Квадашур“ планзэ 100 процентлы быдэстэ. Бригадирез Я. Байсаров. Нуналлы быдэ нормазэс мултэсэн быдэс'ям понна бригадалы 250 манет преми сётисько.

5 „Кутер кутон“ — планзэ 100,5 процентлы быдэстэ. Бригадирез Макаров. Корам интызэс соку ик сузызы. Бригадалы 200 манет преми сётисько.

6 „Горд пельга“ планзэ 101 процентлы быдэстэ. Бригадирез Афанасьев. 4,5 кубометр всяк быдэс'яз. Бригадалы 250 манет преми сётисько.

7 „Правда“ нимо колхоз планзэ 103 процентлы быдэстэ. Бригадирез Андреев. 6 — 7 кубометр ужазы. Бригадалы 150 манет преми сётисько.

8 Уж рад'янез умой пуктэм понна, ужасёсыз умой кутэм понна, планзэс 103 процентлы быдэстэм понна старший десятникез, Черепановез, солы юртгысез Сергеенко десятникез толдэз уждунзыя преми сётисько.

Яган леспромхозлэн директорез — Яковлев
31 октябрь 34 ар.

Нюлэс ударник'ёс

Октябрь празникез азыунысь ударник'ёс тиче возматон'ёсын пумигало У. Макарова, А. Данилова, Т. Софронова, К. Рометникова, А. Шушакова но М. Шушакова 5 8 кубометр нуналлы быдэ ужало. Мукет колхозник'ёслы таослэсь пример бастыно.

Ю нянь бастон борды кутсконо

Октябрь празникез ю нянь бастоннын вормыса поттон понна паськыт нюр'яскон вёлмытэмын вал. Дышетйсьёс, куд оез, та ужлэсь палэнын сыло. Быстровын дышетйсь Данилов кооперацилы ю нянь вузанлы пумит агитаци нуэ. Профсоюз организациос но та уже ваньмыз өз ныриське.

Вань сельком'ёслы та нунал'ёсын массовой уж орчтытоно. Празникез бадзым вормон'ёсын пумитано.

Райпрос Борисов А. С.

Вунэтэм сюрес

И-Самарской но В.Постол вискын сюрес туж урод. 1930-31 арын татын тупатны кускизы. Ог 0,3 км. сюрес дуртй канава копамын, сюрес вылэ насып лэстымын. 1931 арын сюрес лэстынын уж дугдиз, тупатйсь но өвёл. Та сюрес вылтй ветлйсьёс валзэс жадьто гинэ. Сюрес вылтй заводу ветдо. Соин ик та сюресэз туэ ик тупатано. Татчы ог 100 кубометр нюлэс но кулэ дуоз.

Советской.

Единоличник'ёс палэнын

Б-Норья сельсоветысь единоличник'ёс нюлэс дасянась палэнын сыло. Сюрес лэстынын но уг ужало. Октябрь празникез нокыче мероприятез но быдэстыгэк пумитало.

Туктарев собраниез куашкатй

„Виль кар“ колхозлэн председателез Туктарев Н. С. совет'ёслэсь отчетной собранизэс куашкатйз. Туктарев собраниысь кошкыса сьбраз ваньзэ кыскиз. Озы луса 200 мурт полысь 30 мурт гинэ кылиз.

Ш.

Шонер-а лэстытэмын?

Б-Норья сельсоветысь „Красный герой“ колхозын ог 4 сюрес трудовень планлэсь мултэс гож'ямын. Озы луса ваньмызлэсь 25 процентэс трудовенез кушто. Сторож 0,5 трудовень бастэ. Мукетыз 3-4 трудовень бастэ. Соослэсь огкадь кушто.

Райзолэсь ужрад кутэмзэ возьмасько.

Н-С.

Малы ответственность улэ кыскымтэ

Ш-кечол сельпоын счетовод луса Разманов ужа. Сокововлэсь подписьсэ тупатса Разманов 400 манет бастэм. Та уж шараамын. В. Ботин ог кык арня улса кык сюрес манет растрата лэстытэ. Ботин Размановез „кулак пи“ шуса тышкаськем. Разманов „шедёд али“ шуэм. Разманов уно уж лэстытэ ни шуса малпано. Нош малы со ответственность улэ кыскымтэ?

Ботин И. Ф.

Редактор Иванов В. И.

Поттйсь — Райисполком